

澄懷書屋詩鈔

官保相國夫子手輯澄懷書屋詩鈔若干卷以橐屬鍾駿而諗之曰吾自起家詞林忝列卿貳遭遇

聖明游泳和氣篇什所存聲韻寢廣比年衰耗雕蟲久輟攬撫吟橐有足揚盛美而慶遭際抒衷袞而暢袞靈者其爲吾敘而志之鍾駿承命愧墨睭焉失所捧詠鴻裁目貽心醉竊惟夫子以燕許手筆作皋夔碩輔鼓吹英莖揄揚簫勺鏡醇粹之至精颺清和之浩唱譬若大呂勁鳴而鈴鐸寢響長麗絢采而翬翟無文要其摘發

性真垂示軌範裨輔政治奐揚憲章綜厥奧旨可覩縷
言焉位莫隆乎宅揆任莫重乎納言三公鼎足古曰重
臣夫子密勿帷幄出納絲綸寤寐蕭曹企齊韓范楸模
乎陳閉獻替勤思乎竹帛旂常忠謇中矢心聲外敷於
是乎有入閣入直總理工部勵志之詩翰林逼華蓋之
尊東壁總圖書之富筦領之者實爲館長夫子武繩外
祖職掌仙曹愼雪澡於儒修偕琢磨於大道黜聲華而
扶潛學懲儇佻而裁僞體助德則潔齊圭璫育才則芳

擷蘭蘅於是乎有掌院行之篇承大禧者禮隆假祖習
戎備者典重選徒

國家薦馨

橋山肆武蒐狩無非事者禮亦宜之夫子屬車奉蹕卷
阿矢音入對帳殿則晝接龍光退食羶廬則宵抽虎僕
金飈發而爽律高銀鐙炮而管花粲陋宵窻之漢曲采
趨趨之周詩於是乎有扈

駕盛京

東西陵

南苑諸什古者乘駟諏度駕駱倭遲垂隴賦詩鄭郊言
志徒取義於斷章弗罄心於濡翰夫子皋牢九能憚瘡
萬里歷袁江泝鄂渚弭節大梁飛蓋沛上弔禰衡而才
憐異代景侯羸而遠邇流風訪艮嶽則思無逸典型謁
嶽廟則斥求仙虛誕並攄懷舊之蓄念兼垂作誠之深
衷於是乎有于役南河武昌汴城濟南諸詠豫章待知
於七年干莫發礪於干灌成其器者匠石鍛其鑠者風

胡夫子劇材以繩鑄人有筴慰八百孤寒燈火之心儲
十八學士瀛洲之選每當風檐月靜石鼎茶香鉢韻催
而官商諧墨采飛而珠璣落靈響獨結古音自操於是
乎有典試順天詩一典試禮闈詩四江浙試竣敘事抒
懷詩六它如輓漕淮上轉運津門擁旄鉞於黃圖肅弓
刀於赤幘則文章抒其經濟也又如探奇岱嶽覽勝巫
閭泛星查於浮玉山邊移仙櫂於銷金鍋裏則江山助
其模範也至於良友唱酬名花晤對亦復寫遙情於天

末狀生意於毫端則又滄溟之勺波而崇嶽之拳石已
是蓋夫子蹇諤宅心恫瘝在抱讀史則抗懷循吏感遇
則矢志格君披腹而呈琅玕挾手而分雲漢洵嗣響於
浣花匪騁能於挾藻庸可與鏤雲珎月刻翠裁紅鬪尖
叉之纖思戛寒瘦之孤唵者共世而絜工拙同年而議
豐确乎緬昔昌黎遺集李漢引言六一成編長公作序
皆譔述於門人足表章夫往哲鍾駿皮傳心膏遠慚漢
軾而夫子洪河北斗無愧韓歐尺表罔揣儀璘寸莛敢

撞鏞棧謹述崖涖以俟裁正焉門下士吳鍾駿謹譔

古來以詩傳者類皆窮年鑽紙苦心孤詣附於立言之
列以垂不朽無他藝專於所習也若一二志節之士偶
攄性靈不必含宮嚼徵而皆足使後世想見其生平則
又其人素所樹立然也惟夫原本忠孝根柢經術德足
以立其大才有以及其餘則人不必詩傳而詩自足傳
者求之古人不數數覲自非閒氣儲涵得全於天人之
際者孰能與於斯乎我夫子聰明殊絕雖燕閒未嘗廢
書一疑義必求其是一故實必討其源覃精六籍博而

能約然含光藏用不欲自彰偶有著述非知己莫得輕
見不屑屑於一官一集之爲乃知龔軒喜起泐鐘鼎而
銘竹素者皋夔之颺拜不在顏謝之孤芳也曩同鄉某
有詩名出夫子門下得外用哀其所作將受業焉夫子
終無一言旁及於詩標每晉謁必敦勸以學亶亶不倦
豈夫子之教有厚薄於其閒耶抑人之於學固有其時
其地之不同耶知夫子之所以教人而卽有以知夫子
之於詩也夫子語標曰詩以道性情託興言志余猶夫

人也比來職事填委筆乾已久重檢舊篋刪存得若干
卷標受而讀之如入鄧林如飫五侯鯖眾美悉備然皆
得風雅之旨爲情而造文直舉胸臆非傍詩史故其惻
惻款款一往而深平日仔肩之任憂樂之懷與夫以人
事君之盡時時流露於不自知是卽謂韋莊詩壯故至
台輔猶屬皮相之論又奚語夫朝鑄夕琢撚髭薰摘以
爲工者哉史曰揚己取名房杜之細惟詩亦然夫子不
自命爲詩人夫子之詩自非詩人之所能爲然後知裴

相功名許渾風月昔人深歎爲難兼者我夫子固不啻
兼之而已也故謹綴數言竊附於卜子夏之敘詩述夫
子之志以諗夫世之讀夫子之詩者

道光丁未九月旣望受業朱鳳標謹敘

澄懷書屋詩鈔卷一

長白 穆彰阿 鶴舫

古今體詩

感遇詩十九首 其一

少小事詩書令德苦不超出身奉朝廷整翮當雲霄勞
生雖百年忽若霜與飈脩名苟不立富貴豈足要信芳
攬蘅茝懷寶結璜瑤光畱天壤間姓字長昭昭

其二

菁菁梧桐條颯颯鳳皇威朝陽一以止芳樹生光輝嗟
我金爵門深嚴青瑣闥曳組迴且翔深愧才德微昌時
易爲治努力贊巍巍雖乏致君術無譏赤芾爲

其三

中谷有蘭草致之貢玉堂誰與發其英春風爲噓揚貯
以青玉案沃以金莖漿皎皎清素姿曖藹泛崇光豈惟
人服媚抑由天德良借問桃李花焉知王者香

其四

御風入閭闔縹緲蓬萊游丹闕亘紫宮瑤府結瓊樓玉
皇數召見絳節垂華旂香案繙寶籙衆仙非我儔下士
未聞道汨彼塵土謀丹砂治不成聚語徒啾啾

其五

渥洼出天馬厥名騏與驎俊才挾風雨嘉德應星辰旣
逢穆天子服襄駕朱輪豈惟經萬里兼可任千鈞蹋石
逐流電途遠氣益振馳驅報所知遇合如有神六閑不
及追况乃驚駘倫

其六

靈鯤在巨壑九萬激長風倏作大鵬飛滄海雲濛濛
鱗甲旣已舒羽翼亦從豐蜿蜒伏蒲藻鸚雀啼蒿蓬
騰翥非汝能變化希天工不逢雷雨會精神何由通

其七

崑崙采珣玕琢之爲槃敦明堂薦彝器靈光照曖曖
念惟君子德諒異礪與塊太璞豈不完瓦石嗟沈晦
幸哉大匠力磨礱爰下逮剖雲出其光文理煥疏內
美材貴

用世寄託固有在

其八

上林有奇木垂蔭餘十畝春陽得氣深湛露流芬久以
茲茂實材得在溫室右嘉名錫萬年柯葉當不朽豈惟
艸蕨蕤根柢亦云厚樗櫟獨何爲荆榛蔽陵藪

其九

黃鵠翩且翻邱隅不足止六翮天所傳一舉輒千里景
風導我前容與五雲裏下視宇宙中曠然脫塵軌大笑

同遊人鸞鳳皆後起咄哉燕雀羣噉噉良可已

其十

紫微麗北極列宿安所次三台拱辰居五緯循天位光
氣時相合浮雲豈足累風雨日已和陰陽日已遂旋幹
尙無爲元化自成治承茲覆載功永永無隕墜

其十一

圭綬不足榮竹帛以爲寶酬恩必致身輔治在論道常
恐負初願颺拜徒草草建樹貴及時無使嗟耄老杜陵

爾何人稷契滿懷抱

其十二

淳淳堯舜朝翼翼皋夔佐懷古慙吾才綱紀曷宣播剛
毅近剽悍寬柔或選悞更絃懼瞽眩因轍太委情譬彼
鼎黃耳覆餗誰能那懋懋恭朝夕庶以寡吾過

其十三

洪河源必正膏雨澤宜均一爲汎與濫黔黎皆怨瞋悠
悠六合內踽踽八尺身苟無及物功抱道徒苦辛幸哉

泳元化安坐佐經綸豈曰職寅亮聊用熙陽春

其十四

先人有德芬簪笏執圭璧正色立朝右貽教以清白今
我陟天府敷陳進前席受恩良不訾守訓貴無斁永言
懷明發浩浩君子澤韋平未足言忠孝希萬石

其十五

少入承明廬東觀理文字珥貂侍省闈帶綬陟臺寺曳
履領六曹調鼎登三事自顧才力薄何由荷重寄責備

日益深幽獨日益媿致身雖貴早炯炯顧名義顏駟及
馮唐惻焉居下位高岡有鳳皇竹實恥獨食

其十六

道德晦鄙儒風雅淪俗學苟無撥正功曲藝紛掎角濟
濟天下才虛衷樂商榷性理在名教聲詩比雅樂陸王
猶疵瑕齊梁乃溷濁內行而外文一歸醇與慤聊用挽
頽波匪云古先覺

其十七

直若朱絲繩潔若白璋質念惟漏室中課躬以自密忠
貞苟未安何由匡王室一念三徘徊廩廩若有失赤箭
不畏風芘芘解向日草木有本性况茲德與術

其十八

吾懷蕭鄧侯治平奏清淨抑聞魏鄭公賡颺歸諫諍養
民化斯柔格君道必正綽綽建禮樂皙皙端法令明良
旣交泰極意埽秕政泰鴻一爲調奕禩流休慶

其十九

名山不易副廊廟誠獨難
名山誚虛譽廊廟慙素餐
誦詩慕補袞讀書慨惻惻
念彼蚩蚩氓夏煥冬斯寒
中澤多鴻噉將與謀所安
勤懇知未周中夜起長歎

燕臺八景

居庸疊翠

雄關天險屬居庸北望風煙莽
萬重守在四夷今有道
崤函底用一丸封

玉泉垂虹

萬丈垂虹翠嶂前
濺成珠玉十分圓
天教滲漉成甘醴
品作人間第一泉

太液秋風

水歸太液總恩波
嫋嫋西風落翠荷
自是芙蓉生性冷
不關江上得秋多

瓊島春陰

澹澹卿雲護紫宸
仙山遙峙濯龍津
神功霖雨由膚寸
一片輕陰釀曉春

薊門飛雨

薊北春深始見花
四郊青靄翳桑麻
試看飛雨濛濛合
煙樹叢中百萬家

西山積雪

餘雪初晴凍未融
峯巒凹凸白玲瓏
不須散作人間絮
飛去飛來似斷蓬

盧溝曉月

桑乾南下水湯湯
立馬橋頭月似霜
恨殺垂楊千萬樹

澤州書屋詩金
卷二
攀條長綰別離腸

金臺夕照

寂寞黃金鬱草萊
卽今何處覓高臺
燕昭未必無靈氣
落日悲風故故來

庚午典試浙江

拜

命丹闈絳節飄皇華
乍賦擁星輶詞章自媿居前列
藻鑑誰當倚斗杓
一萬光芒如豹變
六千君子豈蟲雕
此

行非爲西湖好願把賢才答

聖朝

發宿遷縣晚渡黃河

絲絲夕漏停燄燄曉星斂
征人發宿遷邑古路非險綠
樹無窮妍紅日有餘閃行行
蹋河流河流弗以漸三門
帶九曲惝恍誰能辨奔如雷霆
怒回如車輪轉黃龍莽
前驅赤鯨駭後揜縱橫出澎湃
曲折生濫激吾生頗鈍
騃忠信惟所踐及茲波濤中色
變志愈儼河伯本仁慈

不我以屯蹇誰謂跋涉艱出險亦云善鯉魚尺半強魯
酒興不淺醉臥茅店中了無夢成魘

自瓜州歷京口驛毘陵驛遂抵無錫

鷓鴣啼山隅鷓鴣傍亭沼未知行人勞輾轉江南道雲
宿瓜州暮星發瓜州曉衣霑楊柳微馬蹋菰蘆小古驛
至今存頓轡風浩浩無錫落眼前江白峯窈窕仰攀古
華山九龍夾飛繞俯拾第二泉飲之卻懊惱平生有本
性邱壑存要眇焉能謝形役逍遙以終老

至蘇州略探虎邱鄧尉諸勝

飄飄東南風送我至蘇州主人盛供飾慰我遠行游飲
我蒲萄醅啖我以殽羞對此意不樂醉飽非所求姑蘇
有名勝第一惟虎邱蟠松龍矯矯浴澗鳧修修邇池白
傳渠窈窕東坡樓其人今已無憑弔誰千秋其次曰鄧
尉萬峯若星稠太湖爲沼沚漁洋爲隅陬山人罕經營
種梅山四周粉蘂出瓊枝蝴蝶蹙兩頭林泉自爲樂塵
堪自爲憂佳景了在目一意千綢繆可憐長塗驥空擬

閒情鷗王事有程期去矣其能畱

登闔閭城遠眺

僕僕苦馳驅飄飄欲翱翔弗凌百仞巔何由豁中腸嗟
峩闔閭城地古天青蒼八門尚可考雉堞三千強攬衣
起徘徊縱目成徜徉虎邱西逶迤楞伽東莽茫願尋縹
緲峯松喬爲我行飲我以沆瀣飼我以琳琅俯瞰太湖
波日夜流江潢大海際天來鯨鯢千尺長平生仗忠信
一葦吾可杭蓬萊訪安期授我辟穀方惜哉不得往矯

首心洋洋雙鬢都塌颯一劍餘旁皇亮哉報國軀豈有
稅駕場騁茲千里目聊以自娛償

滄浪亭

一徑抱蒼翠云是滄浪亭高軒面曲水修竹森青青迹
謝雞蟲爭心與魚鳥并我歌滄浪歌千載正含情子美
一何醉靈均一何醒醒醉吾不知滄浪水長清

舟中望金山焦山諸勝

江上雨浮玉乾坤對巘岼金山插突兀焦山列彎環雲

浮南北角霞落東西閒時有青靄色襯我衣
嫋嫋矗矗金芙蓉萬疊森我前近綠遠浮翠
滯嶮生嬌妍誓當窮絕頂天風吹往還目力
眇千里胸次小九寰惜哉限舟中無由一躋
攀江空帆影峭去矣心拳拳

至杭州望南高峯北高峯諸勝

平生寡嗜好結想惟名山初登杭州城塵勞一以刪
放眼觀虛空兩峯界其閒南高松篁青北高石爛斑
厓懸秋雨綠樹挂晴霞殷山禽爲我呼導我以往還
中有松

喬偉千載好容顏念我行路難餌我金霞丹渴斟沆瀣
飲飢摘松柏餐豈不愛逍遙其如世上緣束身館舍中
目遠心更酸心亦不用往目亦不用存邛壑那可得吾
自云吾云

浙江試竣敘事抒懷六首

其一

灼灼文光映斗牛要從畧确剖琳球手攜玉尺親量看
似有朱衣暗點頭

其二

薰蕕朱紫析毫芒到眼迷離不可詳敢爲科名致身早
風檐輕與辨驪黃

其三

綺辭澀體盡澄清獨按冰絃賞正聲放汝元音鳴

聖世黃鐘大呂總和平

其四

蘅蘭蕭艾總成堆得意誰堪問斗魁燭炮更闌聞歎息
何人識得是奇才

其五

鴻筆高篇若有神
珊瑚杞梓本儒珍
願教濟濟聯名客
盡作

天家霖雨人

其六

萬卷文章付討論
遺珠滄海費思存
寸心鄭重翻招悵
多少青衫有淚痕

登鎮海樓放歌

冥冥水氣鎖昏霧寒潮泱泱不可住危樓突兀據頂巔
萬里煙波在指顧初看一髮起溟徼銀山雪屋白於絮
漸聞鼙鼓殷闐闐飛廉賈勇波臣怒天吳掉尾海童驅
大鯨呀呷小鯨怖須臾雷止日曛隴瑤臺十二浮空處
中有神仙相往來霓旌縞帳乘玉輅藥珠前導萼綠從
鞭鸞驂鳳振鴛鴦手提五色珊瑚株持贈何人目微注
蓬壺春深瑤草花麟洲芝翠紛無數逕須提挈松喬儔
共飲天漿餐薯蕷側身長望入蒼茫乾端坤倪全豁露

飄飄真想超象外一洗胸中舊塵錮世人眼界方隅
蛙井鷁枝太容與譬彼斷潢絕港中幾舸大舩難騰翥
何當振衣躡虛空坐看日出扶桑樹身與星辰爲周旋
晨雞一鳴海色曙歸來意氣小天下嵩華爲卑江漢涸
盧敖亥步我所師名韁利鎖君休語高歌跌宕聊自豪
海若震驚識奇句

游西湖弔岳王墓

孤山峙其北賈亭出其西湖光何邈縣雲水相高低窈

宛三十里菱苕風披披樓臺倚夕陽花鳥含晨曦借問
古濠梁未若茲湖奇迢迢白與蘇儻蕩無端倪前蹟良
未湮後會竟何期覽今一瀟灑弔古千涕洟鬱鬱棲霞
嶺忠魂所憑依念彼岳家軍出入吞熊羆中原在指掌
片紙就誅夷哀哉文武才賊檜生險巖至今墓前柏南
枝不北移蔬有荔子丹酒有瑇瑁危使者實恭敬呼僮
前致詞王其惠享我不我以勃谿湖月照我心古意存
慘悽持語同游人勿但恣娛嬉

杭州雜題十二首

石鼓湖

石鼓出臨平無聲若有聲不逢張壯武桐扣未分明

卓筆峯

石筍簇斑斑煙雲繚繞閒誰當持此筆秀句滿人寰

葛塢

朝思葛溪游暮思葛塢宿貪學紫金丹不教雙鬢禿

參寥泉

一覺黃州夢參寥舊句新汲泉鑽火處千載兩詩人

虎跑泉

虎移泉眼去龍送浪花來借問大慈山神人今在哉

梅莊

竹軒無限月水閣有餘春不見騎驢客蕭蕭愁殺人

南園

古霞亦已封幽翠杳難卽太息韓平原豐碑臥荆棘

虛白堂

香山種紫薇迺在虛白堂堂傾花尙好孃孃送斜陽

浩然齋

誰似周公謹林泉晚節偕焚香何處好只有浩然齋

夢兒亭

東南有賢人來訪杜明師千載錢塘月無忘夢謝時

放鶴亭

林逋汎西湖童子不知處時見白鶴雙飛來復飛去

蘇隄

楊柳夾芙蓉行行圖畫中東坡有遺愛付與淞西東

畱別劉信芳先生于時先生由浙江視學江蘇

藻鑑如公冠一時西湖湖水照鬚眉後塵幸託同舟誼
歧路翻成判襜悲鬢序衣冠由大冶蘇臺花草費相思
廉聲料比郵傳速先我歸鞭向北馳

榜後酬楊簣山席上見贈之作

瑟瑟菰蒲澹澹晴秋風握手送行旌六千君子新衣鉢
十八瀛洲舊姓名湖水方西人欲北酒杯未止馬催行

天涯幕府長相憶

時簣山爲信芳先生所聘

何日重逢北郭生

觀潮

不知潮乍起邪許萬舟呼勢駭蛟龍失聲雄天地無濛
濛青自合滾滾白平鋪破浪平生志長風儻助吾

北望

北望山川闊登臨悵未歸風塵懸使節雨雪點征衣代
馬嘶偏急賓鴻陣豈違獨憐白雲好長傍

帝鄉飛

還京恭復

恩命

我從兩浙整歸裝重曳瓊琚入未央
朵殿靜聞

天語好蓬壺特駐日華長鑑衡敢謂臣心悴
文字原因
聖教昌深愧故人相慰賀行囊分贈只吟章

男薩惠校字

澄懷書屋詩鈔卷二

長白 穆彰阿 鶴舫

古今體詩

壬午典試江南

棨書前引碧油幢獨抱冰心暑色降竹使又分符第一
茹征待取士無雙品題天下原公論文物江東况大邦
但恨六朝餘豔在要除徐庾養敦龐

舟中望鍾山

金陵實雄都作鎮得鍾阜嵩霍竝崔嵬匡廬等培塿牛
首峙其左雞籠赴其右溫泉湧其前元武帶其後煙霞
蕩光景乾坤此戶牖崎嶇忽百疊蘊蓄在一剖婀娜上
嵯峨輻輳紛踐蹂近矚趣固奇遠眺氣彌厚鴻雁厲毛
羽高飛駕星斗今我限舟中目極心良久安得上上頭
重問龍蟠否紫氣散風雲古蹟蒙塵垢曩讀北山文猿
鶴生怩忸森森松峴旁仙隱儻儻偶松喬情自怡張邴
道非苟吾當一訪之握手抒結糾惜哉執拗人宋室枉

印綬欲上半山墩羞與半山友江平波逶迤起坐靡不
有萬想夫何如絲絲白門柳

登石頭城下瞰長江

昔聞石頭城今作石頭游上有鍾山蟠下有長江流長
江何潏沔巨浸連天浮載以商飈聲暴怒沸不休蛟鼉
屹相向帆檣駛莫收須臾得止息水月明江樓歷歷秦
淮家絲管聞啁啾君子方有行怡樂非所求

于時江淮一帶患水民居半爲澤國慨然賦詩

東聞嗷嗷聲西聞啾啾語借問此何爲波濤怖殺汝有
田泥潦封有宅黿鼉處黿鼉匪人情白日生患苦朝坼
汝隄防暮淹汝農圃朝奪汝稻梁暮溼汝機杼汝兮向
我啼我兮裂肺腑願以一寸心化作萬家黍

淮陰故里

駐馬淮陰憾不窮當年垓下有奇功眞王翻使餘吳芮
辯士徒爲惜蒯通一劍斬蛇成社稷千秋走狗送英雄
項家執戟恩雖薄亞父從容得始終

曉發

颯然早秋意餘露湛虛清月墮曙星衆風微淺瀨鳴棲
禽遙語合雜草暗香生斷續雞聲裏江南第幾程

晚泊

菰葉吹蕭瑟輕舟傍碧灘鷗波三尺淺魚火一星寒天
迴詩懷闊雲深旅夢安棹歌聲四合中有采菱彈

入闌

人物聲名地無令愧此來冰霜長在抱瓜李不成猜惻

惘迂儒識峩峩大國材江山與文字萬古一徘徊

江南試竣敘事抒懷六首 其一

風雲月露太嬌嬈金粉繁華八代遙今日承平多雅頌
鼉聲紫色總煙銷

其二

江河萬古本東歸誰挽支流別派非只有歐陽作宗匠
詞場從此黜劉幾

其三

分明玉尺好裁量
黑白妍媸粲十行
深恐劉蕡不登第
目光辛苦變丹黃

其四

榛楛菁莪競向春

天家梁棟若爲鄰
門羅將相吾何敢
只爲科名望得人

其五

一回掩卷一踟躕
顚顚光明大寶珠
願得身爲崔祐甫
孤寒八百貢天衢

其六

五色珊瑚著手鮮
千尋杞梓自蔥芊
寄聲下第秋風客
豫枕何妨待七年

金陵雜題十五首

金陵岡

磅礴鬱輪囷
東南王氣新
秦皇不解事
辛苦瘞金人

桃葉渡

桃葉復桃葉
桃根無斷絕
當日渡頭人
歌遲思曲折

百尺樓

素襪舞金蓮
淩雲意態翩
恨無樓下井
誰爲宵娘憐

草堂

望望鍾山北
行藏問孔周
此中猿與鶴
獨往不回頭

新亭

江山與風景
歷歷在新亭
昔日楚囚泣
今日秋瓏玲

落星岡

醉飲落星石
醒登落星岡
似見謫仙人
紫綺雲中颺

麾扇渡

回首大航岸江風捲怒濤手麾白羽扇賊騎已紛逃

邀笛步

嫋嫋桓伊笛娟娟淮水波相逢不作語一弄三婆娑

夢筆驛

偃蹇詩才盡膏騰夜夢新不知五色筆郭璞授何人

雨花臺

策杖整袈裟談禪第一家心心繙貝葉散作空中花

繡衣亭

使者衣繡衣神仙工授受我問大茅君金冊書名否

蘼蕪澗

涉江采芙蓉就澗折蘼蕪持贈不知誰寥寥處士儒

臺城

柳色隱朦朧攀枝意不窮風流未銷歇張緒有無中

五馬渡

五馬不可見江流萬古長英雄餘事業斷送在斜陽

芳樂苑

昔日東昏侯嬉游芳樂苑今見鷓鴣來飛飛白雲偃

江淮一帶水患平息民皆安堵喜而賦詩

白叟攀我轅垂髻傍我牀乾坤本仁慈不汝以慘傷昨
見鯨鯢橫今見鳥雀翔今歌破昨哭生計信未妨翼翼
田中苗離離牆下桑雖云補秋計何異煦春陽自今其
歲歲大有召休祥閭閻多樂事持用慰

垂裳

還京恭復

恩命

朝罷螭頭緩緩行朋僚握手賀持衡披沙難盡英才選
側席欽承

聖主情萬卷蟲魚窺學問千秋龍虎卜功名傳巖霖雨
知誰似我爲儒林抱寸誠

和聶蓉峯同年海棠詩

香夢初回倦不禁綠章合與借輕陰休憎卯酒添微暈

卻趁晨霞上遠林彩筆一枝畱妙繪

朱茶堂同年瑤箋畫小冊見贈

什襲重清吟飛觴有約邀心賞會埽苔階聽足音

和朱椒堂給諫同年題贈海棠畫冊用東坡定惠

寺詩韻並東春農學士

循陔小築傍林木中有蕃花媚幽獨娟娟時露好顏色
掩映風華異凡俗生平愛花兼愛客商略裁詩擬金谷
名流過我日幾輩正值春陰護書屋就中給諫九方皋
能畫神骨不畫肉天然一枝寄深意絕豔驚人看不足

我思此花本蜀種淪落當時閉貞淑道旁桃李競妖嬈
肯與效顰同捧腹山空日暮姿偃蹇寂寞無人倚修竹
自從坡老識高格物色風塵爭刮目卽今託根近韋杜
此樂盈盈不思蜀香邊忽見下蝴蝶影外還疑翦鸞鵲
染翰真推寫生手報章恰媿陽春曲對花聊且爲花歌
花自無言情自觸

許渙生太史見和海棠詩再疊前韻奉酬

赭龍銜火歆若木吐豔渾疑生使獨輪困虬屈那記年

老樹著花良不俗三月春光爛漫朝一枝秀色雲霞谷

羣賢多爲賞花來坐我傍山臨水屋恰教花與思俱新

傳觀一洗凡眼肉詞壇先見角兩雄

謂朱椒堂聶
蓉峯兩同年俄喜

得君成鼎足翰林執筆劇屈賈丁卯詩人名最淑智珠

圓明本在胸經笥掀翻况便腹還當校盡中祕書落葉

紛紛風埽竹卽此餘技鬪清麗天然不假花頭目杜陵

莫訝昔無詩今日差堪謝西蜀新銜我媿說紅杏健翮

君真比黃鵠羽觴預約恣幽賞醉聽花間金縷曲相看

又是隔年期回首東風祇振觸

田季高太史見和海棠詩三疊前韻奉酬再柬春

農同年

曾聞名節比林木雋解合讓盧郎獨卻因蒼老轉風流
密放穠華出塵俗依光得近上林春擇地還須太行谷
卜居自號花主人借陰新架三間屋到門頻喜客能詩
列案真可食無肉傳箋珍重太史公讀罷逾教奢願足
知緣書味徧茹含更以性靈妙陶淑幽芳宛爾寫花神

雅韻天然帶詩腹諸君妙緒各清新一一冰絲與嶰竹
我似山陰道上行應接不暇勞雙目前者唱于後唱喁
旣欣得隴還望蜀絕豔原殊翦綵花高舉况是摩天鵠
請燒銀燭照紅妝便譜清詞按仙曲陽春高格和應難
嶽嶽詞鋒漫抵觸

發通州

迢遞新城接舊城潞河隄畔草盈盈
神京左輔通州驛纔出燕都第一程

燕郊道中疊前韻

雙橋如畫儼江城著意春光處處盈
五里東風十里雨行人屈指計歸程

三河道中再疊前韻

杯酒何須唱渭城青山寂寂水盈盈
短長亭畔垂楊綠長與春風送客程

山海關三疊前韻

彈指驅車出禁城路經山海客思盈
榆林關外春先到

草色青青徧旅程

威遠堡四疊前韻

蔥龍佳氣隱邊城多少征人旅夢盈
威遠門前一株柳
那堪攀折送行程

口占

不辨雲山遠驅車日又斜
征塵勞客夢芳草極天涯
綠徧郵亭路紅分渡口花
無忘咨度意使者詠皇華

文殊庵

半嶺霞明曙色分
停驂古刹坐苔紋
一天花片飛紅雨
滿地松陰種綠雲
縹緲樓臺空際現
依稀鐘鼓靜中聞
清修自是山僧福
穩坐蒲團到夕曛

恭謁

三陵敬述

三陵高與碧天齊
俯視羣山萬壑低
自昔耕耘來象鳥
至今福祿詠鳧鷖
十年霜露

皇心感百代衣冠

聖域躋總爲

貽謀能遠被

深仁厚澤徧羣黎

題讀書撫琴圖

鳥語花香寄興深
綠天書罷又微吟
君身自是神仙骨
流水高山見素心

宦情詩興兩相娛
多少煙霞繪入圖
一曲絲桐歌上理
是真良吏是真儒

癸未典試禮闈

聖朝選造盛賢良名世文章粲作行稂莠豈容淆菽粟
焦明不放接鸞皇桃華李實春無價壁府奎垣夜有光
苓朮不須歸藥籠要爲霖雨佐

君王

漕河紀事八首

其一

江淮轉運比絲棼獨抱冰心勵慎勤積弊百年銷一旦
莫將五日笑張君

其二

官糈軍儲重轉輸萬邦秭粟貢

天都東南民力應防盡鄭重圓勻米似珠

其三

黃河滾滾落天行清口分流一綫橫從此源頭須悟得
溜澠涇渭自分明

其四

黃頭雜沓狎沙鷗狐鼠何知佐刺舟早恐逋逃成藪澤

長年三老漫悠悠

其五

積雨沈沈遠水連
會通河下浪如天
櫂郎身手輕於燕
飛過重樓萬斛船

其六

擇精不假導官功
玉粒香新顆顆同
自是升平儲峙足
太倉歲歲有陳紅

其七

蔽江艫舳接艫舳竟歲波濤跋涉中傳語馮夷應識我
等閒愁水復愁風

其八

虛費官家百萬錢飛芻輓粟自年年滹沱巨浸盈畿甸
太息無人創水田

渡黃河

九曲黃河水千艘飛輓來神魚時出沒紺蓋此徘徊白
雨絲絲盡紅雲浩浩開鮑昭長有頌持獻

紫宸隈

閱漕標兵

蕭蕭霜色上弓刀
鐔鼓威嚴擁節旄
兵氣崢嶸江水沸
天光空闊陣雲高
待成虓虎三千旅
好護飛鳧百萬艘
自笑儒臣事韜略
輕裘緩帶敢言勞

津門小住

三輔繁華地名區
屬析津海門紅見日
河水碧流春曉市
喧魚鱗仙鄉富豉蕪
稻花吹幾里風景憶江濱

海運紀事四首 其一

宸謨不是法元明航海吳杭達

帝京道阻秋防臣力瘁籌深

旰食

聖心誠自經鳳閣陳封事

英煦齋師首疏海運事宜

便繪蛇山紀起

程

陶雲汀中丞上海運圖說

此舉創行非得已肯沿前代倖功成

其二

濟川須仗作舟才大府江南善主裁

謂琦靜庵制府

狐鼠總防

胥吏假虎貌還頌父兄來
颿收滬瀆鼉更肅旗指滄溟
蜃霧開終是正供神力護
颿風吹到不吹回

其三

不用辛勤製木牛舳艫次第集
河洲鐙懸碧落雙臺夜
潮送紅鮮萬斛秋蠹政力除從角斗

鴻恩曲體到操舟商情踴躍爭來往
傳播仁聲共海流
其四

曉聯奏牘暮乘驄歌出皇華一例同
南北馳驅經兩載

池竹書房言金 卷二
始終協濟賴羣公
早朝夢繞金階月
歸路香生玉粒風
轉漕計期紓

帝念淮黃合軌告成功

和孫平叔制軍平臺詩

其一

鯢身鹿耳勞綏撫
萬里甘泉露布馳
諸社喜看傳檄定
百蠻爭恨見公遲
瀛壖遠藉籌邊筆
政府行牽補袞絲
聞道三貂峯絕頂
摩崖新勒紀功詩

其二

青宮少保

酬恩渥

手詔初傳驛騎馳

紫殿階資官最貴黑頭公輔遇非遲
綬冠雀弁輝台度委佩荷囊繡色絲
誰信飛騰麟閣畫十聯舊有

御屏詩

其三

農桑禮樂綏邊徼秋肅春溫化若馳
人拜旌麾興頌早

民歌袞繡送歸遲
移風蠻觸消蝸角
察吏科條薄繭絲
玉帳牙旗清暇後
婆娑洋外又添詩

其四

師門握手論文地
廿載光陰歲月馳
話舊方懷蓬島夢
朝

天正想使槎遲
威儀貔虎迎紅旆
正直羔羊賦素絲
珍重平生房杜業
登庸衣鉢有新詩

男薩啟校字